

## DR MENSCHAZOO

I sieh' da Gottliab schbridza - d' Luft schdengd noach Chemie  
D' Blattleis bleibad sidza - joa sie gwenned dui Partie.  
I' sieh' da Auguschk flämma - d' Wiesa send vrkohlt  
Dr Zschdr hebt's no' zeema - bis des Fuier alles holt.

Koi' Schdoar guggd noach de' Kirscha  
'R weiß scho' worom  
Koi' Wefzg isch' so domm  
Se fliagt davo', vrschdeggd sich irgedwo,  
denn so oder so goahd 'r k.o. - dr MenschazOO.

I' sieh' an' Lomp bei Nacht - en's Bächle gheid 'r sein Scheiß  
D' Induschdrie die lacht - doch de' Fisch' goahd's biddrbais  
I' sieh' a' Welt mit Magga - dr Ene schwädzd von Peschd  
Ma' mehd en d' Sonn' neischdragg - doch 's Ozon geit ons dr  
Reschd.

Koi' Schoaf guggd noach 'em Gras  
'S weiß scho' worom  
Koi' Kuah isch' so domm  
Se schbrenngd davo', vrschdeggd sich irgedwo,  
denn so oder so goahd 'r k.o. - dr MenschazOO.